

Հավելված 1
Արդարադատության ակադեմիայի
կառավարման խորհրդի 2017 թվականի
հունվարի 26-ի թիվ ԿԽ-001/17/4 որոշման

ԴԱՏԱԽԱՂՆԵՐԻ ԹԵԿՆԱԾՈՒԹՅՈՒՆՆԵՐԻ ՑՈՒՑԱԿՈՒՄ ԸՆԴԳՐԿՎԱԾ ԱՆՁԱՆՑ
ՄԱՍՆԱԳԻՏԱԿԱՆ ՊԱՏՐԱՍՏՄԱՆ ՈՍՈՒՑՄԱՆ ԾՐԱԳԻՐ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն ուսուցման ծրագիրը (այսուհետ՝ Ծրագիր) ներառում է 2017թ. դատախազների թեկնածությունների ցուցակում ընդգրկված անձանց (այսուհետ՝ Ունկնդիրներ) կրթական չափորոշիչները, ուսուցման ձևը, ուսումնառության ժամաքանակը և ժամկետները, ինչպես նաև դասավանդվող առարկայական կուրսերի համառոտ նկարագիրը:

2. Ծրագիրը մշակվել է Արդարադատության ակադեմիայի կողմից «Արդարադատության ակադեմիայի մասին» ՀՀ օրենքի 19-րդ հոդվածի հիման վրա:

3. Ծրագիրը նպատակաուղղված է Ունկնդիրների մոտ դատախազի պաշտոնում գործելու համար անհրաժեշտ կարողությունների, հմտությունների ձևավորմանը, մասնագիտական գիտելիքների ծավալի ընդլայնմանը հետևյալ ոլորտներում.

ա) Ընդհանուր մասնագիտական ոլորտ: Մասնագիտական պատրաստման գործընթացը վերաբերում է սահմանադրական իրավունքի, մարդու իրավունքների եվրոպական իրավունքի, ինչպես նաև կիրառական իրավաբանությանը: Ուսուցման գործընթացը նպատակաուղղված է սահմանադրական իրավունքի և արդարադատության, Մարդու իրավունքների եվրոպական դատարանի իրավաբանության, մասնագիտական էթիկայի, հանրային ծառայության ոլորտում կոռուպցիայի դեմ պայքարի վերաբերյալ ունկնդիրների գիտելիքների ընդլայնմանը, ինչպես նաև ՀՀ սահմանադրական դատարանի և Մարդու իրավունքների եվրոպական դատարանի դատական ակտերի ընկալման և կիրառման, իրավական վերլուծությունների կատարման, իրավավերլուծական տեքստերի շարադրման, իրավաչափ վարքագծի ընտրության կարողությունների և հմտությունների ձևավորմանը:

բ) Հարակից մասնագիտական ոլորտ: Մասնագիտական պատրաստման գործընթացը վերաբերում է հասարակագիտական ուղղվածության գիտելիքների և հմտությունների ձևավորմանն ու կատարելագործմանը: Մասնագիտական պատրաստման արդյունքում ունկնդիրները ձեռք կբերեն անհրաժեշտ գիտելիքներ և կարողություններ,

փաստարկման և հոշտորաբանության, դատական հոգեբանության և դատական հոգեբուժության հիմնախնդիրների վերաբերյալ:

գ) Հատուկ մասնագիտական ոլորտ: Մասնագիտական պատրաստման գործընթացը վերաբերում է քրեական իրավունքում, քրեական դատավարությունում և քրեաբանությունում առկա արդի հիմնահարցերին, ինչպես նաև պետական շահերի պաշտպանության վերաբերյալ հարցերին: Ուսումնական գործընթացը նպատակաուղղված է քրեական դատավարության տարբեր փուլերում ծագող հարցերի, քրեական իրավունքի, քրեական գործերով ՄԻԵԴ նախադեպային իրավունքի, ՀՀ սահմանադրական դատարանի և ՀՀ վճռաբեկ դատարանի իրավական դիրքորոշումների, ինչպես նաև պետական շահերի պաշտպանության և արդի այլ հիմնահարցերի վերաբերյալ ունկնդիրների գիտելիքների ծավալի ընդլայնմանը, ինչպես նաև կարողությունների և հմտությունների ձևավորմանը:

4. Ծրագիրն իրականացվում է առկա ուսուցման ձևով՝ լսարանային ուսուցման և փորձաշրջանի եղանակներով:

5. Լսարանային ուսուցումն իրականացվում է ընդհանուր, հարակից և հատուկ մասնագիտական դասընթացների մոդուլների հիման վրա, ինչպես նաև հրավիրյալ դասախոսությունների միջոցով:

6. Փորձաշրջանը կազմակերպվում է անհատական ծրագրին համապատասխան, որում ընդգրկվում են փորձաշրջանի ընթացքում պարտադիր կատարման ենթակա առաջադրանքներ՝ ըստ սույն ուսուցման ծրագրով նախատեսված ուղղությունների: Փորձաշրջանի մեկ օրվա տևողությունը 10 ակադեմիական ժամ է: Փորձաշրջանի ընդհանուր ժամաքանակը սահմանվում է 720 ակադեմիական ժամ: Փորձաշրջանի ավարտին յուրաքանչյուր ունկնդիր գնահատվում է դրական կամ բացասական:

7. Ուսումնառության ընդհանուր ժամաքանակը սահմանվում է 1070 ակադեմիական ժամ:

8. Ուսումնառության տևողությունը սահմանվում է 7 ամիս 2 շաբաթ (2017 թվականի փետրվարի 27-ից հոկտեմբերի 13-ը)՝ ներառյալ 4 ամիս տևողությամբ փորձաշրջանը (2017 թվականի հունիսի 12-ից հոկտեմբերի 13-ը):

II. ՈւՍՈՒՄՆԱՌՈՒԹՅԱՆ ԺԱՄԱՆԱԿԱՅԻՆ ԿԱՌՈՑՎԱԾՔԸ

	Դասընթացների ժամաքանակ	Քննաշրջանի ժամաքանակ	Հրավիրյալ մաս- նագետների դասախո- սությունների ժամաքանակ	Փորձա- շրջանի ժամա- քանակ	Ընդհանուր ժամա- քանակ
Ուսուցման 1- ին հատված (փետրվար 27- ապրիլ 14)	100 ժամ (6 դասընթաց) (փետրվար 27- մարտ 31)	8 ժամ (4 քննություն) (ապրիլ 3- ապրիլ 14)		-	108 ժամ
Ուսուցման 2- րդ հատված (ապրիլ 17- հունիս 2)	110 ժամ (7 դասընթաց) (ապրիլ 17- մայիս 19)	10 ժամ (5 քննություն) (մայիս 22- հունիս 2)	10 ժամ -	-	130 ժամ
Ուսուցման 3- րդ հատված (հունիս 5- հուլիս 21)	90 ժամ (6 դասընթաց) (հունիս 5- հուլիս 7)	12 ժամ (6 քննություն) (հուլիս 10 – հուլիս 21)	10 ժամ -	120 ժամ (հունիսի 12- հուլիս 21)	232 ժամ
Ուսուցման 4- րդ հատված (հուլիս 24- հոկտեմբեր 13)	-	-	-	600 ժամ (հուլիս 24- հոկտեմբեր 13)	600 ժամ
ԸՆԴՀԱՆՈՒՐ	300 ժամ	30 ժամ	20 ժամ	720 ժամ	1070 ժամ

III. ԴԱՍԱՎԱՆԴՎՈՂ ԱՌԱՐԿԱՅԱԿԱՆ ԿՈՐՄԵՐԻ (ԴԱՍԸՆԹԱՑՆԵՐԻ) ՑԱՆԿ

1. Ընդհանուր մասնագիտական դասընթացների մոդուլ

N	Դասիչ	Անվանում	Ժ/ք
1.	PC-J-002-17	ՀՀ սահմանադրական իրավունքի գիտության և սահմանադրական արդարադատության արդի միտումները	10
2.	PC-J-003-17	ՄԻԵԴ իրավաբանության հիմունքները և արդի միտումները	10
3.	PC-J-004-17	Իրավաբանական գիր և մեկնաբանություն	10
4.	PC-J-008-17	Դատախազի մասնագիտական էթիկա	10
5.	PC-J-009-17	Փորձաքննությունների նշանակման և դրանց արդյունքների գնահատման արդի հարցերը	10
6.	PC-J-014-17	Հանրային ծառայության ոլորտում կոռուպցիայի դեմ պայքարի արդի հարցերը	10

2. Հարակից մասնագիտական դասընթացների մոդուլ

N	Դասիչ	Անվանում	Ժ/ք
7.	PC-G-004-17	Փաստարկում և հոգեորաբանություն	20
8.	PC-G-024-17	Դատական հոգեբանության և դատական հոգեբուժության հիմունքները	20

3. Հատուկ մասնագիտական դասընթացների մոդուլ

N	Դասիչ	Անվանում	Ժ/ք
9.	PC-Q-001-17	ՄԻԵԴ նախադեպային իրավունքի արդի հարցերը քրեական գործերով	20
10.	PC-Q-002-17	ՀՀ քրեական իրավունքի արդի հարցերը	30
11.	PC-Q-003-17	ՀՀ քրեական դատավարության արդի հարցերը	30
12.	PC-J-013-17	Պետական շահերի պաշտպանության արդի հարցերը	10
13.	PC-Q-015-17	Մինչդատական վարույթում դատախազական գործառույթների իրացման հմտությունները	30
14.	PC-Q-016-17	Դատարանում մեղադրանքի պաշտպանության հմտություններ	20
15.	PC-Q-019-17	Պատիժների կատարման նկատմամբ դատախազական հսկողության արդի հարցերը	10
16.	PC-Q-030-17	Կիրքերի անցագրության դեմ պայքարի արդի հարցերը	10
17.	PC-Q-045-17	Խոցելի անձանց մասնակցությամբ վարույթի առանձնահատկությունները	10
18.	PC-Q-046-17	Օպերատիվ-հետախուզական գործունեության հիմնախնդիրները	10

19.	PC-Q-047-17	Քրեական գործերով քննության մեթոդիկայի արդի հարցերը	20
-----	-------------	--	----

IV. ԴԱՍԱՎԱՆԴՎՈՂ ԱՌԱՐԿԱՅԱԿԱՆ ԿՈՐՄԵՐԻ (ԴԱՍԸՆԹԱՑՆԵՐԻ) ՀԱՄԱՌՈՏ ՆԿԱՐԱԳԻՐԸ

1. PC-J-002-17. ՀՀ սահմանադրական իրավունքի գիտության և սահմանադրական արդարադատության արդի միտումները

Դասընթացը պայմանավորված է սահմանադրական իրավունքի գիտության և սահմանադրական արդարադատության ոլորտում Ունկնդիրների գիտելիքների ծավալի ընդլայնման անհրաժեշտությամբ:

Դասընթացը ներառում է՝

- սահմանադրական իրավունքի գիտության առարկան, մեթոդները, սահմանադրական իրավունքի գիտության զարգացման արդի միտումները,

- Հայաստանի Հանրապետության դատական իշխանության սահմանադրական հիմունքների (դատական իշխանության մարմինների համակարգի կազմակերպման և գործունեության կարգի) վերաբերյալ հարցերը,

- դատախազության սահմանադրական կարգավիճակի վերաբերյալ հարցերը,

- սահմանադրական արդարադատության (սահմանադրական դատարանի իրավական կարգավիճակի, կազմակերպման և գործունեության կարգի, սահմանադրական դատարանի լիազորությունների) վերաբերյալ հարցերը:

Գնահատումն իրականացվում է գրավոր եղանակով՝ PC-J-003-17 դասընթացի հետ համատեղ:

2. PC-J-003-17. ՄԻԵԴ իրավաբանության հիմունքները և արդի միտումները

Դասընթացը պայմանավորված է ՄԻԵԴ գործունեության վերաբերյալ Ունկնդիրների գիտելիքների ծավալի ընդլայնման անհրաժեշտությամբ:

Դասընթացը ներառում է՝

- ՄԻԵԴ կողմից մշակված իրավական հայեցակարգերի բովանդակությունը, դրանց իրավակիրառ արժեքը և զարգացման միտումները,

- ՄԻԵԴ հիմնական նպատակները,

- իրավազորության շրջանակը,

- գանգատների ընդունելիության պայմանները,

- գործերի քննության կարգը,

- վճիռների կատարման հետ կապված հարցերը,
- ՄԻԵԴ-ի կողմից ապացույցների ձեռքբերումը և գնահատումը,
- ՄԻԵԴ-ի և ազգային դատարանների միջև երկխոսությունը:

Գնահատումն իրականացվում է գրավոր եղանակով՝ PC-J-002-17 դասընթացի հետ համատեղ:

3. PC-J-004-17. Իրավաբանական գիր և մեկնաբանություն

Դասընթացը պայմանավորված է համոզիչ և որակյալ իրավական վերլուծությունների շարադրման ոլորտում կարողությունների և հմտությունների ձևավորման անհրաժեշտությամբ:

Դասընթացը ներառում է՝

- IRAC համակարգով իրավական վերլուծությունների կատարման և շարադրման հետ կապված հարցերը,

- օրենսդրական տեքստերի հետ աշխատանքում իրավամեկնաբանողական հնարքների կիրառման հետ կապված հարցերը,

- իրավական վերլուծությունների լեզվական որակների ապահովման հետ կապված հարցերը:

Գնահատումն իրականացվում է գրավոր եղանակով:

4. PC -J-008-17. Դատախազի մասնագիտական էթիկա

Դասընթացը պայմանավորված է դատախազի մասնագիտական էթիկայի կանոնների հետ կապված գիտելիքներ հաղորդելու և դրանք կենսագործելու կարողություններ ձևավորելու անհրաժեշտությամբ:

Դասընթացը ներառում է դատախազական գործունեություն իրականացնելիս և ոչ դատախազական գործունեության ընթացքում դատախազի վարքագծի կանոնների, դատախազների էթիկայի հարցերով վարույթի հետ կապված հարցերը:

Գնահատումն իրականացվում է գրավոր եղանակով՝ PC-J-014-17 դասընթացի հետ համատեղ:

5. PC-J-009-17. Փորձաքննությունների նշանակման և դրանց արդյունքների գնահատման արդի հարցերը

Դասընթացը պայմանավորված է փորձաքննությունների վերաբերյալ գիտելիքների ծավալի ընդլայնման, համարժեք և արդյունավետ փորձաքննությունների նշանակման կարողությունների ձևավորման անհրաժեշտությամբ:

Դասընթացը ներառում է՝

- քրեական, վարչական և քաղաքացիական վարույթներում փորձաքննությունների նշանակման հիմքերը, կարգը, բովանդակությունը, կատարման հիմնահարցերը,
 - փորձաքննությունների արդյունքների գնահատման վերաբերյալ հիմնահարցերը:
- Գնահատումն իրականացվում է գրավոր եղանակով:

6. PC-J-014-17. Հանրային ծառայության ոլորտում կոռուպցիայի դեմ պայքարի արդի հարցերը

Դասընթացը պայմանավորված է հանրային ծառայության ոլորտում կոռուպցիայի դեմ պայքարի ոլորտում գիտելիքների ծավալի ընդլայնման անհրաժեշտությամբ:

Դասընթացը ներառում է՝

• Հայաստանի Հանրապետությունում հանրային ծառայության ոլորտում կոռուպցիոն երևույթների, դրա դեմ տարվող պայքարի հիմնահարցերը,

• հակակոռուպցիոն պայքարի իրավական կարգավորումները (ներպետական և միջազգային, այդ թվում՝ Եվրոպայի խորհրդի Կոռուպցիայի դեմ պայքարող պետությունների խմբի (ԳՐԵԿՈ) և Եվրախորհրդի Փողերի լվացման եւ ահաբեկչության ֆինանսավորման դեմ պայքարի հանձնաժողովի (ՄՈՆԻՎԱԼ) հանձնարարականները),

• կոռուպցիայի դեմ պայքարի ինստիտուցիոնալ շրջանակների (ներպետական և միջազգային, այդ թվում՝ ԳՐԵԿՈ-ի և ՄՈՆԻՎԱԼ-ի գործունեությունը), համապատասխան այլ շահագրգիռ կողմերի (հասարակական կազմակերպությունների, ՋԼՄ-երի) մասնակցության և պետության կողմից ձեռնարկվող միջոցառումների վերաբերյալ հարցերը:

Գնահատումն իրականացվում է գրավոր եղանակով՝ PC-J-008-17 դասընթացի հետ համատեղ:

7. PC-G-004-17. Փաստարկում և հռետորաբանություն

Դասընթացն պայմանավորված է ապացուցման, հերքման, հիմնավորման, զրուցակիցների մոտ համոզմունքի ձևավորման, տպավորիչ ելույթի ու արդյունավետ բանավեճի տեխնոլոգիաների տիրապետման անհրաժեշտությամբ:

Դասընթացը ներառում է՝

- փաստարկման գործընթացի բաղադրիչները,

- փաստարկման գործընթացի եղանակները,
- փաստարկման համակարգին ներկայացվող պահանջները,
- ավանդական և ժամանակակից հոետորիկայի զինանոցը,
- առավել հաճախ հանդիպող սխալները,
- բանավեճի ընթացքում կիրառվող կառուցողական և ապակառուցողական տեխնոլոգիաները և վերջիններիս չեզոքացման մեթոդաբանական սկզբունքները:

Գնահատումն իրականացվում է գրավոր եղանակով՝ PC-G-024-17 դասընթացի հետ համատեղ:

8. PC-G-024-17. Դատական հոգեբանության և դատական հոգեբուժության հիմունքները

Դասընթացն պայմանավորված է դատական հոգեբանության և դատական հոգեբուժության ոլորտներում առկա խնդիրների և դրանց լուծումների վերաբերյալ գիտելիքներ հաղորդելու, ինչպես նաև դրանք գործնականում կիրառելու կարողություններ ձևավորելու անհրաժեշտությամբ:

Դասընթացը ներառում է՝

- դատական հոգեբանության և դատական հոգեբուժության ոլորտներին վերաբերող փորձաքննությունների նշանակման, կատարման կարգի և արդյունքների գնահատման առանձնահատկությունները,
- առանձին սուբյեկտների վերաբերյալ նշանակվող դատահոգեբանական և դատահոգեբուժական փորձաքննությունների նշանակման առանձնահատկությունները,
- համալիր դատահոգեբանական և դատահոգեբուժական փորձաքննությունների նշանակման առանձնահատկությունները և այլն:

Գնահատումն իրականացվում է գրավոր եղանակով՝ PC-G-004-17 դասընթացի հետ համատեղ:

9. PC-Q-001-17. ՄԻԵԴ նախադեպային իրավունքի արդի հարցերը քրեական գործերով

Դասընթացն անհրաժեշտ է ՄԻԵԴ նոր իրավական դիրքորոշումների վերաբերյալ գիտելիքները և դրանց կիրառման հմտությունները կատարելագործելու համար:

Դասընթացը ներառում է՝ քրեական իրավունքի և դատավարության ոլորտում Եվրոպական կոնվեցիայով երաշխավորված իրավունքների պաշտպանության վերաբերյալ

ՄԻԵԴ արդի նախադեպային իրավունքը և ՀՀ նկատմամբ դրա կիրառման հարցերը, քրեական գործերի քննության ընդհանուր մեթոդաբանության, Կյանքի իրավունքին և խոշտանգումների և վատ վերաբերմունքի այլ ձևերի արգելքին առնչվող հարցերի, մինչդեռատական կալանքի, ինչպես նաև խոցելի տուժողների/վկաների և կասկածյալների մասնակցությամբ իրականացվող քննությունը, այդ թվում՝

- անձի ազատության և անձեռնմխելիության իրավունքը, մասնավորապես Հայաստանի Հանրապետության դեմ վերջին ժամանակաշրջանում կայացված որոշումների լույսի ներքո,
- մասնավոր կյանքի անձեռնմխելիության իրավունքը, մասնավորապես, առանձին քննչական գործողություններ կատարելիս՝ դեպքի վայրում զննություն, բնակարանում խուզարկություն կատարելիս, անձնական խուզարկության և այլ գործողություններ կատարելիս ՄԻԵԿ-ի 3-րդ և 8-րդ հոդվածների պահանջների պահպանման լույսի ներքո,
- արդար դատաքննության իրավունքի պաշտպանության, անթույլատրելի ապացույցների օգտագործման արգելքը, այդ թվում հակընդդեմ հարցման իրավունքի ապահովման հարցի կապակցությամբ Հայաստանի Հանրապետության դեմ վերջին ժամանակաշրջանում կայացված որոշումների լույսի ներքո:

Գնահատումն իրականացվում է գրավոր եղանակով:

10. PC-Q-002-17. ՀՀ քրեական իրավունքի արդի հարցերը

Դասընթացը պայմանավորված է քրեական իրավունքի ոլորտում իրականացված և իրականացվող բարեփոխումների, վիճահարույց հարցերի շուրջ ՀՀ սահմանադրական դատարանի և ՀՀ վճռաբեկ դատարանի իրավական դիրքորոշումների վերաբերյալ գիտելիքներ հաղորդելու, ինչպես նաև դրանք գործնականում կիրառելու կարողություններ ձևավորելու համար:

- Դասընթացը ներառում է՝
- քրեական նոր օրենսգրքի նախագծի հիմնադրույթները,
- քրեաիրավական ինստիտուտների, այդ թվում՝ պատժողական քաղաքականության զարգացման միտումները և հեռանկարները,
- ՀՀ քրեական օրենսգրքում կատարված լրացումներով նոր հանցակազմերի որակման հիմնախնդիրները (ՀՀ քրեական օրենսգրքի 154¹, 154⁸, 215¹, 215¹, 235¹, 243¹-րդ և այլ հոդվածներ),

- հանցավոր արարքների ճշգրիտ որակման հիմնահարցերը (մասնավորապես՝ մարդու կյանքի և առողջության, սեռական ազատության և անձեռնմխելիության, այդ թվում՝ անչափահասների դեմ ուղղված հանցագործությունների, թմրամիջոցների ապօրինի շրջանառության, սեփականության դեմ և կոռուպցիոն հանցագործությունների և այլն) և դրանց լուծման ոլորտում օրենսդրական և իրավակիրառ փորձը,
- ՀՀ ստանձնած միջազգային պարտավորությունների բովանդակությունը (այդ թվում՝ Միավորված ազգերի կազմակերպության Մարդու իրավունքների վերաբերյալ հիմնական պայմանագրերը, դրանց կիրառման առանձնահատկությունները, ինչպես նաև «Քաղաքական և քաղաքացիական իրավունքների մասին» միջազգային դաշնագրում ամրագրված իրավունքները, ինչպես նաև դրանց ներպետական օրենսդրությունում կիրառելիության և Կամընտիր արձանագրությամբ հասանելի դարձած ընթացակարգերի հարցերը):

Գնահատումն իրականացվում է գրավոր եղանակով:

11. PC-Q-003-17. ՀՀ քրեական դատավարության արդի հարցերը

Դասընթացը անհրաժեշտ է քրեական դատավարության ոլորտում նոր իրավական զարգացումները մատուցելու, ՀՀ մասնակցությամբ միջազգային պայմանագրերի կիրառման գործնական հարցերը, վիճահարույց հարցերի շուրջ ՀՀ սահմանադրական դատարանի և ՀՀ վճռաբեկ դատարանի իրավական դիրքորոշումների, ՀՀ քրեական դատավարության նոր օրենսգրքի նախագծում սահմանված իրավակարգավորումների էության և տրամաբանության վերաբերյալ գիտելիքներ հաղորդելու, ինչպես նաև դրանք գործնականում կիրառելու կարողություններ ձևավորելու համար:

Դասընթացը ներառում է՝

- քրեական դատավարության նոր օրենսգրքի նախագծի հիմնադրույթները, առաջարկվող նոր ինստիտուտները (ցուցմունքների դատական դեպոնացում, համագործակցության վարույթ և այլն),

- ՀՀ քրեական դատավարության առանձին ինստիտուտների վերաբերյալ ՀՀ սահմանադրական դատարանի և ՀՀ վճռաբեկ դատարանի իրավական դիրքորոշումները և դրանց կիրառման հիմնահարցերը, մասնավորապես հետևյալ հարցերում.

- Ապացույցների հավաքման և գնահատման դատավարական սուբյեկտները: Պաշտպանի դերը ապացուցման գործընթացում,

- Դատախազը՝ որպես ապացուցման գործընթացի օրինականության ապահովման ինքնուրույն սուբյեկտ,
- Վկայի, մեղադրյալի ցուցմունքները և այլ փաստաթուղթը՝ ՄԻԵԿ-ի 6-րդ հոդվածի համատեքստում,
- Օպերատիվ-հետախուզական գործունեության արդյունքների օգտագործումը ՀՀ քրեական դատավարությունում,
- Քրեական դատավարությանը մասնակցող անձանց պաշտպանության միջոցները,
- Դատական ակտերի վերանայման հիմնախնդիրները և այլն,

• ՀՀ մասնակցությամբ միջազգային պայմանագրերի կիրառման գործնական հարցերը (այդ թվում նաև Միավորված ազգերի կազմակերպության Մարդու իրավունքների վերաբերյալ հիմնական պայմանագրերի և դրանց կիրառման առանձնահատկությունների, ինչպես նաև «Քաղաքական և քաղաքացիական իրավունքների մասին» միջազգային դաշնագրում ամրագրված իրավունքների, ինչպես նաև դրանց ներպետական օրենսդրությունում կիրառելիության և Կամընտիր արձանագրությամբ հասանելի դարձած ընթացակարգերի հարցերը),

Գնահատումն իրականացվում է գրավոր եղանակով՝ PC-Q-046-17 դասընթացի հետ համատեղ:

12. PC-J-013-17. Պետական շահերի պաշտպանության արդի հարցերը

Դասընթացն անհրաժեշտ է պետական շահերի պաշտպանության հարցերով քաղաքացիական և վարչական դատավարության տարբեր փուլերում ծագող հիմնահարցերի վերաբերյալ գիտելիքների ծավալի ընդլայնման և կարողությունների ձևավորման համար:

Դասընթացը ներառում է՝

• քաղաքացիական և վարչական դատավարությունում դատախազի մասնակցության հիմքերը,

• գործը դատաքննության նախապատրաստելու, ապացուցման, դատաքննության ընթացքում ծագող հարցերը,

• հատուկ վարույթի գործերի քննության ընթացքում ծագող հարցերը:

Գնահատումն իրականացվում է գրավոր եղանակով:

13. PC-Q-015-17. Մինչդատական վարույթում դատախազական գործառույթների իրացման հմտությունները

Դասընթացն անհրաժեշտ է մինչդատական վարույթի ընթացքում դատախազական գործառույթների վերաբերյալ գիտելիքների շրջանակն ընդլայնելու, ինչպես նաև այդ ոլորտում համապատասխան կարողություններ և հմտություններ ձևավորելու համար:

Դասընթացը ներառում է՝

- քրեական վարույթ հարուցելու, որպես մեղադրյալ ներգրավելու, հետաքննության և նախաքննության նկատմամբ հսկողություն իրականացնելու, մինչդատական վարույթի ընթացքում հարկադրանքի միջոցների կիրառման իրավաչափության նկատմամբ հսկողություն իրականացնելու դատախազական գործառույթների վերաբերյալ հարցերը,

- մինչդատական և դատական վարույթների ընթացքում կայացվող դատախազական ակտերին ներկայացվող կառուցվածքային և բովանդակային պահանջների վերաբերյալ գործնական հարցերը:

Գնահատումն իրականացվում է բանավոր եղանակով:

14. PC-Q-016-17. Դատարանում մեղադրանքի պաշտպանության հմտությունները

Դասընթացն անհրաժեշտ է դատական վարույթների ընթացքում դատախազական գործառույթների վերաբերյալ գիտելիքների շրջանակն ընդլայնելու, ինչպես նաև այդ ոլորտում համապատասխան կարողություններ և հմտություններ ձևավորելու համար:

Դասընթացը ներառում է՝

- դատական նիստի նախապատրաստական մասում, դատական քննության ընթացքում, ինչպես նաև դատական վերանայման վարույթներում դատախազական գործառույթների վերաբերյալ գործնական հարցերը,
- առանձին տեսակի հանցագործություններով դատարանում մեղադրանքի պաշտպանության առանձնահատկությունները:

Գնահատումն իրականացվում է բանավոր եղանակով:

15. PC-Q-019-17. Պատիժների կատարման նկատմամբ դատախազական հսկողության արդի հարցերը

Դասընթացը պայմանավորված է պատիժների կատարման ոլորտում դատախազական գործառույթների վերաբերյալ գիտելիքների ծավալի ընդլայնման և կարողությունների ձևավորման համար:

Դասընթացը ներառում է քրեական օրենքով նախատեսված պատժատեսակների կատարման նկատմամբ դատախազական հսկողության, քրեակատարողական ոլորտի վերաբերյալ հարցերը ՀՀ օրենսդրության, ՀՀ-ի կողմից վավերացված միջազգային պայմանագրերի, ՄԻԵԴ-ի և ՀՀ վճռաբեկ դատարանի որոշումների համատեքստում: Մասնավորապես՝

- դատախազի՝ ազատությունից զրկված անձանց պահելու վայրեր այցելելու նպատակներն ու կարգը,

- ազատությունից զրկված կամ ազատությունը սահմանափակված անձանց հիմնական իրավունքներին վերաբերող իրավական ակտերի օրինականության ստուգումը և անօրինական ակտերի նկատմամբ դատախազական ներգործության միջոցները,

- պատժի ենթարկված անձանց հարցման ենթարկելու, տեղեկատվություն ստանալու և բացատրություններ վերցնելու հիմքերը և կարգը,

- ապօրինի պահվող անձանց ազատ արձակելու հիմքերը և կարգը,

- պրոբացիոն ծառայության ներդրման հիմնախնդիրները:

Գնահատումն իրականացվում է բանավոր եղանակով:

16. PC-Q-030-17. Կիբերհանցագործությունների դեմ պայքարի արդի հարցերը

Դասընթացը պայմանավորված է <<Կիբերհանցագործությունների մասին>> ԵԽ Կոնվենցիայի կիրառման, նշված բնույթի հանցագործությունների որակման և քննության առանձնահատկությունների վերաբերյալ գիտելիքների ծավալի ընդլայնման անհրաժեշտությամբ:

Դասընթացը ներառում է՝

- <<Կիբերհանցագործությունների մասին>> ԵԽ Կոնվենցիայով նախատեսված քրեական հանցագործությունների վերաբերյալ նորմերի իմպլեմենտացիայի խնդիրները ՀՀ քրեական օրենսգրքում,

- նշված Կոնվենցիայի հիման վրա ստեղծված կոմիտեի (T-CY)՝ արարքների որակման հետ կապված բանաձևերը,

- ՀՀ քրեական օրենսգրքով նախատեսված արարքների որակման հիմնախնդիրները,

- էլեկտրոնային ապացույցների հետ աշխատելու քրեադատավարական առանձնահատկությունները,

- մանկական պոռնոգրական նյութերի հետ կապված քրեական գործերով ապացույցների ձեռքբերման հնարավոր տարբերակները,

- <<տոր>> կամ <<մութ>> ցանցերից ապացույցներ ձեռքբերելու դժվարությունները, նման հանցագործությունների լատենտայնությունը,

- կիրբերհանցագործություններով միջազգային փոխօգնության հիմնախնդիրները:
Գնահատումն իրականացվում է գրավոր եղանակով:

17. PC-Q-045-17. Խոցելի անձանց մասնակցությամբ վարույթի առանձնահատկությունները

Դասընթացը պայմանավորված է խոցելի անձանց (անչափահասներ, բռնության ենթարկված կանանց, հաշմանդամներ և այլն) մասնակցությամբ վարույթի առանձնահատկությունների վերաբերյալ գիտելիքների ծավալի ընդլայնման և կարողությունների ձևավորման անհրաժեշտությամբ:

Դասընթացը ներառում է խոցելի անձանց նկատմամբ (կասկածյալ, մեղադրյալ) և նրանց մասնակցությամբ (վկա, տուժող) իրականացվող մինչդատական և դատական վարույթների անցկացման առանձնահատկությունների վերաբերյալ հիմնահարցերը:

Գնահատումն իրականացվում է գրավոր եղանակով:

18. PC-Q-046-17. Օպերատիվ-հետախուզական գործունեության հիմնախնդիրները

Դասընթացն անհրաժեշտ է օպերատիվ-հետախուզական գործունեության ոլորտում նոր իրավական զարգացումները մատուցելու, վիճահարույց հարցերի շուրջ << սահմանադրական դատարանի և << վճռաբեկ դատարանի իրավական դիրքորոշումների, << քրեական դատավարության նոր օրենսգրքի նախագծում սահմանված իրավակարգավորումների էության և տրամաբանության վերաբերյալ գիտելիքներ հաղորդելու, ինչպես նաև դրանք գործնականում կիրառելու կարողություններ ձևավորելու համար:

Դասընթացը ներառում է՝

- քրեական դատավարության նոր օրենսգրքի նախագծի հիմնադրույթները օպերատիվ-հետախուզական գործունեության, գաղտնի քննչական գործողությունների կատարման վերաբերյալ,

- Օպերատիվ-հետախուզական միջոցառումների տեսակները և դրանց կատարման առանձնահատկությունները,

- Դատախազական հսկողության հիմնախնդիրները,

- Օպերատիվ-հետախուզական գործունեության արդյունքների գնահատման և օգտագործման հիմնախնդիրները ՀՀ քրեական դատավարությունում և այլ վերաբերելի հարցեր:

Գնահատումն իրականացվում է գրավոր եղանակով՝ PC-Q-003-17 դասընթացի հետ համատեղ:

19. PC-Q-047-17. Քրեական գործերով քննության մեթոդիկայի արդի հարցերը

Դասընթացը պայմանավորված է կրիմինալիստիկական տակտիկայի և մեթոդիկայի վերաբերյալ գիտելիքներ հաղորդելու և դրանք պատշաճ կենսագործելու կարողություններ ձևավորելու անհրաժեշտությամբ:

Դասընթացը ներառում է՝

- դեպքի վայրի զննության, ճանաչման ներկայացման, հարցաքննության և այլ քննչական գործողությունների կատարման տակտիկային վերաբերող հարցերը,

- կյանքի, առողջության, սեփականության, տնտեսական գործունեության, հասարակական անվտանգության, հասարակական կարգի ու բնակչության առողջության դեմ ուղղված, կոռուպցիոն հանցագործությունների քննության մեթոդիկային վերաբերող հարցերը:

Գնահատումն իրականացվում է գրավոր եղանակով: